



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Opvs De Iudiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos &  
Festos, ab ipso Auctore confectus

**Stengel, Georg**

**Ingolstadii, 1651**

5. Virginitatem, etiam in ipso matrimonij statu, laudabiliter seruata[m].

**urn:nbn:de:hbz:466:1-45686**

- Crom. lib. 29. rer. Polonic. Neq; spreuit coniugia Casimirus, quando etiam medicis vix periculum denunciauitibus, maluit vitæ, quam virginitate aleam subire. Malè utique non facit, qui meliùs facit: & pender Christus sponsis omnibus antefertur. Est enim *speciosa forma, præ filijs hominum*. Non igitur obligata est virgo, ut videtur. Neque vidua. Nam inibi subiungit Apostolus. *Mulier alligata est legi, quanto tempore vir eius viuit; quòd si dormierit eius, liberata est: cui vult, nubat: tantum in Domino*. Beatior autem erit, si sic permanserit, secundum meum consilium: *puto autem quòd & ego spiritum Dei habeam*. Quin & voto se obligare potest viduam, ad non nubendum, ex eodem D. Paulo, clarum est, qui, ex omnium interpretum consensu, de voto continentie loquitur, quando scribit, viduas quasdam, si nubant, *habere damnationem, quia primam (voti) fidem irritam fecerunt*. Nunquam profectò ibidem Timotheo præcepisset, *viduas honora, quia vidua sunt*, si illæ, contra præceptum: *Crescite, & multiplicamini*, extra matrimonij statum, permansissent.
- V. Barbaræ mulieres fuerunt, & Thraciâ suâ dignæ, quæ persecutæ sunt coniugia vitantem
- Quid. lib. 11. Metam, *Orphea, percussis sociantem carmina nervis.  
E quibus una, leues, iactato crine, per auras,  
En ait, en hic est nostri contemtor, & hastam  
Vatis Apollinei vocalia misit in ora.*
- Gen 39. 13. Quod si in Orphea aliquid vitij latuit, Phædras cogitemus, ad Putipharis vxorem; quarum illa Hippolytum, hæc Iosephum de castitate, per atrocissimam calumniam, afflixit. Ad hæc mulierum insaniam accedunt, quicunq; statum virginitatis non thyrsò, saltem conuitio & lingua persequuntur, & Theronino dente lacerant; quem etiam nonnulli neque ab ipsa Dea Matre abstinerunt; quæ vel idcirco dicitur *Mater admirabilis*, quia & coniux, & Virgo, & Mater fuit: adeò & ipsum potest cum virginitate matrimonium consistere; ad quod requiritur, & sufficit petendi reddendiq; coniugalis debiti radicalis obligatio. Quod castissimi coniugij genus postea imitati sunt, S. Cecilia & Valerianus; Henricus II. & Kunigunda, apud Baronium; Eduardus III. rex Angliæ, & Edita, teste Baronio, item Marcianus

Can. Beata  
Maria. 27. q.  
2. Præp. q. 3.  
du. 2. Con.  
d. 24. n. 33.  
Baron. Anno  
1204.



Marcianus Imperator ac Pulcheria, vt refert Cedrenus. Nec non Alfonso II. rex Gallie & Berta Caroli Magni soror, vt itidem Baronius testatur. Quin & Boleslaus rex Poloniae, cum Kinge filia Belae regis Hungariae, Cromero teste; Elzearius comes Arianus cum Delphina, apud Surium. Metaphrastes & illud integerrimae, in coniugio, virginitatis exemplum, de Iuliano & Basilissa refert. Hi purissimi duo coniuges, postquam nuptialis dies transijt, prima nocte, vnanimi voluntate, constituerunt, se illibatum castitatis florem Numini consecratos. Consecrarunt; & ecce consilium diuinitus approbatum est illico. Nam, per totum cubiculum, suauissima quaedam odorum fragrantia coepit spirare; non secus, ac si in Elyso quodam campo exitissent. Neque naribus tantum sua data est voluptas; sed oculi quoque sunt mirabiliter recreati. Lux enim clarissima velut orientis aurorae, in eodem loco, amoenissimè refulsit. In luce pulcherrimi duo Diuorum chori, hinc atq; inde stantes, apparuerunt, quorum hic iuuenum erat, ille puellarum. Alteri Christus, alteri Mater Christi praesse videbatur. Vt igitur & auribus deliciae fierent, iuuenum chorus, Angelica symphonia, in hunc modum, accinuit: *Vicisti Iuliane, vicisti.* Cui, è diuersa parte, virginum chorus ita respondit: *Benedicta Basilissa, qua sanctis monitis aures prabens & animum, vanas mundi despexit illecebras, & aeterna vita caelestis laurea dignam se reddidit.* Hæc dum suauissimus concentus applauderet; è media caelorum caeterua, duo viri processerant. Hi togis, mirifico splendentibus candore amicti, inter vtrumq; coniugem constitere, castasq; nuptias, & sanctum coniugiū, sacro caelestis amoris vinculo, stipulataq; manu, innouarunt. Mox alius quispiam, maiestate vultus, & cana baba venerabilis librum exhibuit, in quo aperto, hæc aureis litteris exarata legebantur: *Quicumque, obsequij diuini causa, mundi insanis voluptatibus nuncium remittet, vt fecisti, Iuliane, in album eorum, qui cum mulieribus non sunt coinquinati, referetur. Basilissa verò, pro eo, quod illibatam corporis sui innocentiam seruare intendit, Virginum numero apponetur, cuius principem locum tenet Maria Mater IESU.* Et cur id non fiat? *liquidem incorruptio facit esse proximum Deo.*

Baron. 1066.  
Cedren.  
comp. hist.  
Baron. Anno  
783. Cromer.  
l. 9. & 10.  
Sur. 27. Sept.  
Metaphrast.  
9. Iulij.

Confici-

Sap. 6. 20.